

直隸叙永廳志卷十六

祀典志

文廟祭器數

祭品 香 燭 酒 牛用純黑 羊 豕 鹿

兔 帛正位用綾餘用絹練白色長一丈八尺

太羹實於登 和羹實於鉶 黍稷實於簠 稻

粱實於簋 形鹽 藁魚 棗 栗 榛 菱

芡 鹿脯以上實於籩 韭菹 菁菹 芹菹

笋菹 醢醢 鹿醢 兔醢 魚醢 以上實於

直隸叙永廳志

卷十六

祀典

一

豆

樂器數 麾旛 應鼓 鼗鼓 笛 笙 簫

搏拊 祝敔 編磬 編鐘 排簫 琴 瑟

箎 塤 舞用六佾

關帝廟祭品 帛一 白磁爵三 牛一 羊一 豕

一 菓品五 核桃 荔枝 圓眼 棗 栗

各一盤 酒一尊

先農壇祭品 香 燭 酒 羊一 豕一 鉶一

籩豆各四 簠簋各二

各壇祭品 香 燭 酒 羊一 豕一 鉶一
籩豆各四 簠簋各二

文廟禮儀 祭前一日行省牲禮正祭日候官至通贊

贊簽祝版 引贊引承祭官至更衣所贊更衣

升堂 序爵 序事 請祝簽名 下堂 通贊

贊啟戶 樂舞生就位執事者各司其事 分獻

官就位陪祭官就位主祭官就位 瘞毛血 啟

牲饌蓋 迎神 樂作 引贊引各官詣西北隅

迎神 衆官皆揖 通贊贊叅神 承祭官行三

直隸叙永廳志

卷十六

祀典

二

跪九叩禮 樂止 行奠帛初獻禮 樂作 引

贊引主祭官詣盥洗所 浴手 淨巾 詣酒尊

所 司尊者舉冪酌酒詣

至聖先師孔子神位前 跪 進帛 奠帛 進爵

獻爵 俯伏 興 平身 詣 讀祝位 跪

鳴贊贊衆官皆跪 引贊贊讀祝文 俯伏 興

平身 鳴贊贊衆官俱興 平身 通贊贊行

分獻禮 引贊引分獻官詣四配神位前 跪

進帛 奠帛 進爵 獻爵 俯伏 興 平身

十哲兩廡與四配同 亞獻終獻與初獻同 引

贊引主祭官詣飲福位 跪 飲福酒 受福胙

通贊贊謝神承祭官行一跪三叩禮畢 復位

通贊贊徹饌 樂作 樂止 辭神 承祭官行

三跪九叩禮畢 送神 引贊引衆官詣送神所

贊神去衆官皆揖 通贊贊望瘞 讀祝者捧祝

執帛者捧帛各詣瘞所 引贊引衆官詣望瘞位

焚祝帛 復位 通贊贊闔戶 鳴贊贊禮畢

散班

直隸叙永廳志

卷十六

祀典

三

崇聖祠儀注

悉同名宦先師分獻官或先祭或同時祭至名宦鄉賢祠亦隨丁祭分獻

關帝廟禮儀

雍正五年奉

旨頒行

前殿儀注祭日贊引官引承祭官進左旁門至

盥洗處贊盥洗畢引至 殿內行禮處站立典儀

官唱執事官各司其事贊引官贊就位引承祭官

就位站立 典儀官唱迎神 司香官捧香盒就

香爐左邊站立 贊引官引承祭官就香爐前立

司香官跪 贊引官贊上香 承祭官立將柱香

接舉插爐內又將塊香上三次畢 贊引官贊復

位 引承祭官復位站立 贊引官贊跪 叩
興 承祭官行三跪九叩禮 典儀官唱奠帛
獻爵 行初獻禮捧帛爵官將帛爵捧舉各就
位前 贊引官贊奠帛官跪獻畢行三叩禮退
執爵官立獻畢退 讀祝官至安祝文棹前行一
跪三叩禮將祝文捧起立 贊引官贊跪 承祭
官 讀祝官俱跪 贊引官贊讀祝 讀祝畢捧
至 位前 跪安盛帛盒內畢 行三叩禮退
贊引官贊 叩 興 承祭官行三叩禮立 典

儀官唱 行亞獻禮 執爵官照初獻禮獻畢退
典儀官唱 行終獻禮 執爵官自案右邊照亞
獻禮 獻畢退 典儀官唱 徹饌 送神 贊
引官贊 叩 興 承祭官行三跪九叩禮立
典儀官唱 捧祝帛饌各恭詣燎位 捧祝帛香
饌官各至 位前俱跪 祝帛官行三叩禮 香
饌官不叩首將祝帛香饌捧起依序捧送時贊引
官引承祭官退至西邊立候捧祝帛各官過畢
復位站立 贊引官贊詣 望燎位引承祭官至

燎爐前焚祝帛時 贊引官贊禮畢引承祭官退
後殿儀注祭日 贊引官引承祭官進中門至盥
洗處 盥洗 盥洗畢引至 殿內行禮處站立
典儀官唱 執事官各司其事 贊引官贊就位
引承祭官就位站立 典儀官唱 迎神 司香
官捧香盒各就香爐左邊站立 贊引官引承祭
官就

三代光昭公裕昌公成忠公香爐前立 司香官跪

贊引官贊上香 承祭官將柱香接舉插爐內又

直隸叙永廳志

卷十六

祀典

五

將塊香上三次畢 贊引官贊復位 引承祭官
復位站立 贊引官贊跪 耶 興 承祭官行
二跪六叩禮立 典儀官唱奠帛獻爵行初獻禮
捧帛爵官將帛爵捧舉各就 位前奠帛官跪獻
畢行三叩禮退 執爵官立獻畢退 讀祝官至
安祝文棹前行一跪三叩禮將祝文捧起 贊引
官贊跪 承祭官讀祝官俱跪 贊引官贊讀祝
讀畢捧至

光昭公位前安盛帛盒內畢行三叩禮退 贊引官贊

邶興 承祭官行三邶禮立 典儀官唱行亞
獻禮 執爵官照初獻禮各獻畢退 典儀官唱
行終獻禮 執爵官自案右邊照亞獻禮各獻畢
退 典儀官唱 徹饌唱 送神贊引官贊跪
邶興 承祭官行二跪六邶禮立 典儀官唱
捧祝帛饌各恭詣燎位捧祝帛香饌官各至 位
前俱跪 祝帛官行三邶禮 香饌官不邶首將
祝帛香饌捧起依序捧送時 贊引官引承祭官
退至西邊立候捧祝帛官過畢 復位站立 贊

直隸叙永廳志

卷十六

祀典

六

引官贊詣望燎位 引承祭官至燎爐前焚祝帛
時贊引官贊禮畢引承祭官退
耕耜禮儀 正印官秉耒佐貳執青箱播種行耕
時用耆老一人牽牛農夫二人扶犁九推九返農
夫終畝耕畢各官率耆老農夫望

闕行三跪九邶禮

農具用赤色牛用黑色箱用
青色子種悉照各處土宜

各壇禮儀 凡遇祭期隨處俱長官一員行三獻
禮餘官止陪祭其齋戒省牲更衣簽祝瘞毛血降
神迎神盥洗奠帛初獻讀祝亞獻終獻飲福受胙

謝神徹饌辭神望燎送神等禮俱與

文廟丁祭同惟厲壇止行一跪三叩禮視 文廟

少差

祭文

聖廟

維年月日某官致祭於

至聖先師孔子曰維 先師德隆千古道冠百王揭日

月以常行自生民所未有屬文教昌明之會正禮

節樂和之時辟雍鐘鼓咸恪薦於馨香泮水膠庠

直隸叙永廳志

卷十六

祀典

七

益致嚴於籩豆茲當仲春秋祇率彝章肅展微忱聿

將祀典配以復聖顏子宗聖曾子述聖子思子亞

聖孟子尙饗

崇聖祠

維年月日某官致祭於

肇聖王 裕聖王 詒聖王 昌聖王 啟聖王曰維

王奕葉鍾祥光開聖緒盛德之後積久彌昌凡聲

教所覃敷率循源而溯本宜肅明禋之典用伸守

土之忱茲屆仲春秋聿修祀典配以先賢顏氏先賢

曾氏先賢孔氏先賢孟氏尙饗

關帝廟祭文

前殿年月日某官致祭於

忠義神勇顯佑關聖大帝曰維

帝浩氣凌霄丹心貫日扶正統而彰信義威鎮九州完
大節以篤忠貞名高三國神明如在徧祠宇於寰
區靈應丕昭薦馨香於歷代屢徵異蹟顯佑羣生
恭值佳辰遵行祀典筵陳籩豆式奠牲醪尙饗
後殿年月日某官致祭於 關帝之

直隸叙永廳志

卷十六

祀典

八

曾祖光昭公 祖裕昌公 父成忠公曰維 公世澤

詒庥靈源積慶德能昌後篤生神武之英善則歸
親宜厚尊崇之報列上公之封爵

錫命攸隆合三世以肇禋典章明備恭逢諏吉祇
事薦馨尙饗

壇壝

社稷壇祭文

月日某官致祭於

社稷之神曰維 神奠安九土粒食萬邦分五色以末

封圻育三農而蕃稼穡恭承守土肅展明禋時屆
仲春秋敬修祀典庶丸丸松栢鞏磐石於無疆翼翼
黍苗佐倉箱於不匱尙饗

風雲雷雨山川壇祭文

月日某官致祭於

風雲雷雨山川城隍之神曰維 神贊襄天澤福佑蒼
黎佐靈化以流形生成永賴乘氣機而鼓盪溫肅
攸宜磅礴高深永保安貞之吉憑依鞏固實資捍
禦之功幸民俗之殷盈仰神明之庇護恭修歲祀

直隸叙永廳志

卷十六

祀典

九

正值良辰敬潔豆籩祇陳牲幣尙饗

先農壇祭文

月日某官致祭於

先農之神曰維 神肇興稼穡粒我蒸民頌斯文之德
克配彼天念率育之功陳常時夏茲當東作咸服
先疇洪惟九五之尊歲舉三推之典恭膺守土敢
忘勞民謹奉彝章祇修祀事惟願五風十雨嘉祥
常沐於神庥庶幾九穗兩岐上瑞頻書乎大有

尙饗

龍神祠祭文

年月日某官致祭於

龍神曰維 神德洋寰海澤潤蒼生允襄水土之平
波流順軌廣濟泉源之用膏雨及時績奏安瀾占
大川之利涉功資育物欣庶類之蕃昌仰藉 神
庥宜隆報享謹遵祀典式協良辰敬布几筵肅陳
牲幣尙饗

文昌廟祭文

月日某官致祭於

文昌帝君之神曰惟 神蹟著西垣樞聯北極六匡麗

直隸叙永廳志

卷十六

祀典

十

曜協昌運之光華累代垂靈爲人文之主宰扶正
久彰夫感召薦馨宜致其尊崇茲當仲春秋用昭時
祭尙其歆格鑒此精虔尙饗

月日某官致祭於

文昌先代之神曰惟 神祭引先河之義禮崇返本之
思矧夫世德彌光延賞斯及祥鍾累代炯列宿之
精靈化被千秋緯人文之主宰是尊後殿用答前
庥茲當仲春秋肅將時事用伸告潔神其格歆尙饗

聖廟樂章

迎神昭平

大哉孔子

先覺先知

與天地參

萬世之師

祥徵麟紱

韻答金絲

日月既揭

乾坤清夷

奠帛初獻宣平

予懷明德

玉振金聲

生民未有

展也大成

俎豆千古

春秋上丁

清酒既載

其香始升

亞獻秩平

式禮莫愆

升堂再獻

響協鼗鏞

誠孚壘甌

肅肅雍雍

譽髦斯彥

禮陶樂淑

相觀而善

直隸叙永廳志

卷十六

祀典

十一

終獻叙平

自古在昔

先民有作

皮弁祭菜

於論思樂

惟天牖民

惟聖時若

彝倫攸叙

至今木鐸

徹饌懿平

先師有言

祭則受福

四海巖宮

疇敢不肅

禮成告徹

毋疏毋瀆

樂所自生

中原有菽

送神德平

鳧繹峩峩

洙泗洋洋

景行行止

流澤無疆

聿昭祀事

祀事孔明

化我蒸民

育我膠庠

先農壇樂章

迎神奏永豐之章

句芒秉耒 土牛是驅 惟神歆止 蒼龍駕車

念彼田疇 民命所需 生成有德 尙式臨諸

奠帛初獻奏時豐之章

先農神哉 耒耜教民 田祖靈哉 稼穡是親

功德深厚 天地同仁 肅將幣帛 肇舉明禋

厥初生民 萬彙莫辨 神錫之庥 嘉種乃誕

執茲醴齊 農功益見 玉瓚椒醕 肅雍舉奠

直隸叙永廳志

卷十六

祀典

十二

亞獻奏咸豐之章

上原下隲 百穀盈止 粒我蒸民 秀良興起

樂舞具備 吹豳稱兕 再躋以獻 肴馨酒旨

終獻奏大豐之章

糜芑秬秠 惟神所貽 以神饗神 曰予將之

秉耒九推 東作允宜 五風十雨 率土何私

徹饌奏屢豐之章

於皇農事 自古爲烈 莫敢不承 今茲忻悅

籩豆旣豐 簠簋云潔 神視井疆 執事告徹

送神奏報豐之章

麻麥芄芄 黍稻連阡 縱橫萬里 皆神所瞻

人歌鼓腹 史載有年 歲有常典 芾祿綿綿

望瘞奏慶豐之章

玉版蒼幣 來監來歆 敬之重之 藏於厚深

典禮由古 予行自今 樂樂利利 國以永寧

直隸叙永廳志

卷十六

祀典

十三